


## Efterskolernerit 2022-2023

### 2022/2023-mi efterskolernermik ingerlatsisut 69 pct.-ii naammassinnissimapput

Efterskolernermik aallartitsisimasut tamakkerlutik 371-inik amerlassuseqarput, 115-illu unitsitsisimapput. Tassani naammassinnittarnermut pct.-i 69-imiippoq, ukiut siuliini 75-it 60-illu akornanni inissisimasarsimasoq.

Nunarsuaq tamakkerlugu nappaassuarmit tuniluuttumit, COVID-19-imit, efterskolernerit ingerlanneqartut ukiuni atuarfiusumi 2020/21-mi kiisalu 2021/22-mi sunnerneqangaatsiarsimapput.

### Titartagaq 1. 2014/15-imiit 2022/23-mut efterskolernerit aallartinneqartut amerlassusaat, atuarfik malillugu



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

Efterskole Villads Villadsen-i atuartunut 80-inut inissaateqartoq Maniitsumi Efterskoli atuartunut 70-inut inissaateqarpoq. Atuartulli efterskolini aallartittut amerlassusaat inissaqartitsinermit amerlanerusinnaapput, unitsitsisoqartillugu atuartut nutaat aallartissinnaasarmata.


2022/23-mi Kalaallit Nunaanni efterskolernerit aallartinneqartut amerlassusaat ukiup siuliani aallartittunit amerlanerupput, tassani Efterskole Villads Villadsen-imi 65-it aallartissimasut, Maniitsumi Efterskolimi 66-it aallartissimapput. 2022/23-mi qallunaat efterskoliini aallartittut ukiup siulianut sanilliullugit 78-inik amerleriarsimapput.

## Efterskolernermik aallartitsisut amerlasuut inuusunnerusut

Amerlanerpaat ukiumi 16-inik ukioqalerfimminni efterskolernermik aallartitsisarput, amerlasuullu meeqqat atuarfianni naammasserlaajusarlutik. Ukiumi atuarfiusumi 2022/23-mi atualertut 77 pct.-ii ukiumi 16-iliiffimminni aallartissimasut 6 pct.-ii inuusunnerupput. Taamaallaat Danmarkimi inuusuttut 16-it inorlugit ukiullit efterskolernermik aallartitsisinnaapput.

16-inik ukioqalereersimallutik efterskolernermik aallartitsisartut annertussusaat 2022/23-mi 18 pct.-iusimapput.

## Titartagaq 1. 2013/14-imiit 2022/23-mut efterskolernerit aallartinneqartut, ukiut malillugit



Nalunaarut: Ukiup pineqartup naanerani atuartut ukiui malillugit naatsorsuisoqarpoq.

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).


## 2022/23-mi efterskolernerit amerlasuut unitsiinnerneqarput

Ukiumi atuarfiusumi 2022/23-mi atuartut 256-it efterskolernermik naammassinnissimapput, efterskolernerit aallartinneqarsimasut 69 pct.-iinik annertussusillit. Tamanna ukiup siulianut naleqqiullugu 6 pct.point-inik appariarneruvoq.

2022/23-mi Efterskole Villads Villadsen-imi naammassinnittarnermut pct.-i 55 pct.-iusimavoq, piffissamilu pineqartumi Maniitsumi Efterskoli-mi 59 pct.-iusimalluni. Siuliani ukiumut naleqqiullugit tamanna Efterskole Villads Villadsen-imut appariarneruvoq, Maniitsumili Efterskolemut qaffariarnerulluni

Kalaallit Nunaanni efterskolinerit sanilliullugit qallunaat efterskoliini naammassinnittarnermut pct.-i appariarsimavoq, 2022/23-milu 75 pct.-iulluni. Tamanna ukiup siulianut, 84 pct.-iusimasumut, naleqqiullugu appariarneruvoq.

## Titartagaq 2. 2013/14-imiit 2022/23-mut naammassinnittarnermut pct.-i, efterskolit malillugit




Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

## Ukioqatigiiaat tallimaagaangata marluk efterskolernermik aallartitsisarput

Ataani takuneqarsinnaapput 2000-imiit 2006-imut inunngortut ukioqatigiiaat, ukiuni atuarfiusuni 2016/17-imi kiisalu 2022/23-mi efterskolernermik aallartitsisimasut naammassinnissimasullu.

## Titartagaq 3. Ukioqatigiinni efterskolernermik aallartitsisimasut/naammassinnissimasut amerlassusaat, 2000-imiit 2006-imut inunngortut malillugit



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Inuusuttut 2006-imi inunngorsimasut akornanni 40 pct.-ii efterskolernermik aallartitsisimapput, taakkunanngalu 30 pct.-iilu naammassinnissimapput. Ukioqatigiiaani inuusuttut amerlassusaat ikinnerulersimapput, 2000-imi inunngortut 803-nik amerlassusillit 2006-imi inunngortut 738-nik amerlassuseqarmata.

## Eqikkaaneq

**Tabel 1. 2015/16-imiit 2022/23-mut efterskolernerit amerlassusaat, atuarfintut killiffinnullu agguaallugit**

	2015/16	2016/17	2017/18	2018/19	2019/20	2020/21	2021/22	2022/23
<b>Efterskole Villads Villadsen</b>								
Unitsitsinerit .....	32	40	32	16	47	14	18	29
Naamassinninnerit .....	54	48	45	61	28	45	57	36
Aallartitsinerit .....	86	88	77	77	75	59	75	65
<b>Maniitsumi Efterskoli</b>								
Unitsitsinerit .....	24	20	20	27	45	33	32	27
Naamassinninnerit .....	50	58	55	49	31	39	37	39
Aallartitsinerit .....	74	78	75	76	76	72	69	66
<b>Qallunaat efterskoler</b>								
Unitsitsinerit .....	51	46	47	45	119	81	26	59
Naamassinninnerit .....	214	225	252	245	162	110	136	181
Aallartitsinerit .....	265	271	299	290	281	191	162	240
<b>Katillugit</b>								
Unitsitsinerit .....	107	106	99	88	211	128	76	115
Naamassinninnerit .....	318	331	352	355	221	194	230	256
Aallartitsinerit .....	425	437	451	443	432	322	306	371

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

**Tabel 2. Efterskolernernik aallartitsisimasut/naamassinnissimasut amerlassusaat, ukioq inunngorfik malillugu; 2001-imiit 2006-imut inunngortut**

	2001	2002	2003	2004	2005	2006
Ukioqatigiinni katillugit .....	817	838	764	778	781	738
Efterskolernerit aallartinneqartut .....	378	416	345	285	270	297
Efterskolernerit naammassineqartut .....	298	324	187	185	196	219

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

## Periaaseq

### Nalunaarsuutit tunngaviusut

Nalunaarsuutit najoqqutarineqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolinerit atuartunut nalunaarsuiffia
- Oqaasileriffiup Danmarkimi efterskolinerit atuartunut nalunaarsuiffia
- Naatsorsueqqissaartarfiup innuttaasunut nalunaarsuiffia

Kalaallit Nunaanni efterskolinerit aallarnisarneqalerneranniilli nalunaarsuutit nassaassaapput. Efterskole Villads Villadsen ukiumi atuarfiusumi 2009/2010-mi ammarneqarpoq Maniitsumilu Efterskoli ukiumi atuarfiusumi 2011/2012-

imi ammarneqarluni. Ukioq atuarfiusoq 2010/2011 sioqqullugu qallunaat efterskoliini naammassinninnerit unitsitsinerillu nalunaarsuuteqanngillat, taamaattumik qallunaat atuarfiini efterskolernernut naatsorsuutit ukiumi pineqartumi aallartipput.

### **Periaaseq**

Efterskolernernut nalunaarsuutit naleqquttut ukiumi atuarfiusumi aallartitsinerit, unitsitsinerit naammassinninnerillu malillugit immikkoortiterneqarput. Ukiumi atuarfiusumi ataatsimi atuatoq ataatsimit amerlanerusunik efterskolernernik ingerlatsisimasutut allaqqasinnaavoq, unitsitserernerme efterskolimi allami aallartitseqqissimaguni.

Atuartut ukiui ukiup pineqartup naanerani naatsorsorneqarput, 16-illu inorlugit ukiulinnut, 16-inik ukiulinnut, 17-inik ukiulinnut kiisalu 17-ileereersimasunut immikkoortiterneqarlutik.

Naatsorsueqqissaartarfiup innuttaasunut nalunaarsuisarfiani atualinnginnermi illoqarfik nalunaarsorneqarsimasoq kingulleq atorlugu atuartut illoqarfinnut atassuserneqarput. Atuartut atualinnginnermi innuttaasunut nalunaarsuisarfimmi nassaarineqanngitsut kalaallit efterskoliinut imaluunniit qallunaat efterskoliini atuartuuppata paasissutissaqanngitsutut nalunaarsorneqarput.

Atuartut efterskolernernik aallartitsisimasut ukioqatigiinni inuit amerlassusaannut naleqqiullugit aamma naatsorsorneqarput. Ukioqatigiit innuttaasunut nalunaarsuisarfimmi ukioq 14-inik ukioqalerfiat malillugu naatsorsorneqarput. Efterskolini atuartut nukarlersaat ukiumi 15-inik ukioqalerfimminni aallartitarnerannik aammalu efterskolini atuartut Kalaallit Nunaatalu avataani ilinniartut innuttaasunut nalunaarsuisarfimmi allaqqannginnerinik tamanna peqquteqarpoq.

### **Naatsorsuineq**

Atuartut ukiup atuarfiusup naanerani killiffiat, ukioq atuarfiusoq, efterskoli, suaassuseq, ukiut aammalu illoqarfik malillugit agguanneqarput. Taamatullu ukioqatigiinni atuartut efterskolernernik aallartitsisimasut/naammassinnissimasut amerlassusaat naatsorsorneqarput.

### **Killiliinerit erseqqissagassallu**

Atuatoq ukiup atuarfiusup ataatsip iluani ataatsimit amerlanerusunit efterskolernernik ingerlatsisimasutut allaqqasinnaavoq, unitsitserernerup kingorna efterskolimi allami aallaartitseqqissimaguni.

Kisitsisaataasivimmi ukioqatigiit malillugit kisitsisit naatsorsukkat ukiut tamaasa allangortassapput, ukioqatigiinni suli amerlanerusut kingusinnerusukkat efterskolernernik aallartitsisimappata.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Saaffiginniffissaq

Samo Nielsen

E-mail: [snie@stat.gl](mailto:snie@stat.gl)

Ilinniartitaaneq

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

